

D HASIERAKOA IZENeko ESKABIDEAREKIN BATERA AURKEZTU BEHARREKO DOKUMENTAZIOA

Ez dira a), b), c), d), e), f), i), k) eta p) letretan adierazitako agiriak aurkeztu beharko, baldin eta eskabideko 5. eta 6. orrialdeetan elkarrengarritasunetarako baimena eman bada.

a - Eskatzailearen eta ezkontidearen edo egungo bikotekidearen nortasuna egiaztatzea: NANaren, atzeritarren nortasun-txartelaren edo pasaportearen fotokopiaren bidez egiaztatu daiteke.

b - Filiazio-, adopzio-, tutoretza-harremana eta abar egiaztatzea: familia-liburu, jaiotza-agiri edo antzekoren baten fotokopia bidez egiaztatu daiteke; laguntza eskatzen duen pertsonaren familia-unitateko kide guztiak agertu behar dira.

c - Eskatzailea erroldatuta dagoela egiaztatzea (errolda-ziurtagiri eguneratua), bizilekuan bizi diren lagun guztien zerrenda duela. Udalerrian noiz erroldatu zen adierazi beharko da. Ez da onartuko laguntza-eskaera aurkezten den eguna baino hilabete lehenagoko errolda-ziurtagirik.

Eskatzailea eskabidea aurkeztu aurreko urtean ez bada bizi izan edo ez bada jarraitutasunez erroldatuta egon Euskal Autonomia Erkidegoko edozein udalerrian, egungo errolda-ziurtagiriaren gain (ziurtagiri horretan eskatzailearekin batera bizi diren guztiak agertu beharko dira), azken hamar urteetan bost urtez jarraian EAEko udalerriaren batean erroldatuta egon dela egiaztatzen duen errolda-ziurtagiria aurkeztu beharko da.

Elkarreragingarritasunerako baimena eman badu, adierazitako aldi horietan non erroldatuta egon den adierazi beharko du.

d - Mendetasun-egoeran edo osasun-egoera oso larrian egon eta eszedentzia edo lanaldi-murrizketa eskatzeko arrazoia izan den pertsonaren nortasuna egiaztatzea. NANaren edo egoiliar txartelaren fotokopia aurkeztu beharko da.

e - Eskatzailearen eta mendetasun-egoeran dagoen pertsonaren artean -hura zaintzeko hartu da eszedentzia edo lanaldi-murrizketa - zer ahaidesun dagoen egiaztatzea: NANaren, jaiotze-agiriaren edo familia-liburuaren fotokopia bidez, edo Erregistro Zibil edo Izatezko Bikoteen Erregistroak emandako ziurtagiri bidez eta abar egiaztatu daiteke.

f - Mendetasun-egoeran dagoen senitartekoa zaintzeko eszedentzia hartzeagatik edo lanaldia murrizteagatik ematen den laguntzaren kasuan, senitartekoa mendetasun-egoeran dagoela egiaztatzen duen ziurtagiria aurkeztu beharko da, eskumena duen administrazioak emana. Ziurtagiri horretan jaso behar da zer mendetasun-maila eta maila bakoitzean zer azpimaila duen, Autonomia pertsonala sustatzeari eta mendekotasun-egoeran dauden pertsonak zaintzeari buruzko abenduaren 14ko 39/2006 Legean eta lege hori garatzen duten arauetan aurreikusitakoaren esparruan.

g - Osasun-egoera larrian dagoen senitartekoa zaintzeko eszedentzia edo lanaldi murrizketa eskatzeagatik ematen den laguntzaren kasuan, senitartekoaz arduratzen den medikuak emandako egiaztapena aurkeztu beharko da.

h - Eszedentziaren kasuan, mendekotasun-egoeran edo osasun-egoera larrian dagoen senitartekoa zaintzeko Gizarte Segurantzak emandako baja-partearen kopia.

Lanaldia murriztu bada, mendekotasun-egoeran edo osasun-egoera larrian dagoen senitartekoa zaintzeko Gizarte Segurantzaren datuetan izandako aldaketari buruzko txostenaren kopia (kotizazio-datuaren txostena). Txosten horretan agertu behar da ehuneko zenbat murriztu den eskatzailearen ohiko lanaldia, kontratua kontuan hartuta.

Gainera, bi kasuetan, Gizarte Segurantzak emandako agiri hauek ere aurkeztu beharko dira: batetik, zer kontratu mota den egiaztatzen duena -lanaldi osoa edo lanaldi partzialekoa, eta, kasu horretan, lanaldi osoaren aldean zenbateko ehuneko den -, eta, bestetik, eszedentzian edo lanaldi-murrizketan zenbat denboran egon den egiaztatzen duena.

Eskatzailea Gizarte Segurantzaren Araubide Orokorrean kotizatzen ez duen kooperatiba-sozietate bateko bazkide langile edo lan-bazkide bada, kooperatiba horretan bazkide langile edo lan-bazkide dela adierazten duen ziurtagiria aurkeztu beharko du, baita zer kontratu mota duen -lanaldi osoa edo lanaldi partzialekoa, eta, kasu horretan, sektoreko lanaldi osoaren aldean ehuneko zenbat egiten duen lan -, eszedentzian edo lanaldi-murrizketan zenbat denboran egon den, zenbateko lanaldi-murrizketa duen eta eszedentziak edo lanaldi-murrizketak kotizatzen duen sisteman kotizazio-aldaketarik eragin duen. Ziurtagiriak horretarako eskumena duenaren sinadura eta zigilua eduki behar ditu.

i - Eskabidea aurkeztu aurreko bi urteei dagokien zergaldiari dagokion errenta-aitorpenaren fotokopia, edo, bestela, PFEZean kontuan hartutako diru-sarreraren ziurtagiria, eskumena duen administrazioak egina. Dokumentazio hori egoera hauetakoren batean egonez gero aurkeztu beharko da:

- Eskabidea aurkeztu aurreko bi urteei dagokien zergaldian PFEZaren aitortpena EAEtik kanpo egin bada edo EAEtik kanpo egin behar bazen.

- Azken hiru urteetan eskatzailearen nortasun-agirian aldaketaren bat izan bada (AIza izatetik NANA izatera pasatu, izenaren grafia aldatu, abizenen hurrenkera aldatu bada, eta abar)

- Identifikatzeko pasaportea erabili bada.

j - Hirugarrenaren altaren fitxa, eskatzailearen bankuko datuak dituela. Eskabideari erantsita dauden ereduetatik bat aukeratu beharko da, banku-erakundea hauetakoren bat den edo ez kontuan hartuta: KUTXABANK, LABORAL KUTXA, BANKOA, CAIXABANK, BBVA, BANCO SANTANDER, POPULAR, SABADELL edo CAJA RURAL DE NAVARRA.

Eskabide hau aurkeztu ondoren, laguntzak kobratzeko banku-kontuaren zenbakia aldatu dela jakinaraziz gero, laguntzak kudeatzen dituen organoak egingo du aldaketa, eta, hortaz, aldaketa ez da berehalakoa izango.

k - Izatezko bikotea izanez gero, hori egiaztatzen duen agiria.

l - Eskatzailearen ezkontza deuseztatu bada, edo eskatzailea banandu edo dibortziatu bada, seme-alabaren zaintza eta babesa esleitzen dion ebazpen judizialaren fotokopia.

Ez da onartuko gurasoen eta seme-alaben arteko neurriak arautzen dituen hitzarmenik, baldin eta dagokien berrespen-epairik ez badute.

m - Familia-unitatea osatzen duten pertsonetako batek desgaitasun edo mendetasunen bat badu aitortuta, egoera hori egiaztatzen duen ziurtagiria.

n - Genero-indarkeriaren biktima izanez gero, hori egiaztatzen duen egiaztagiria.

o - Familia gurasobakarren kasuan, semea edo alaba ekonomikoki soilik eskatzailearen mende dagoela egiaztatu beharko da.

p - Eta familia ugaria izanez gero, haren ziurtagiria.